

Mostar, 24.02.2010. godine

Broj: 01-07-1311-17/09

07-02-1592-09/25/09

07-02-1593-09/26/09

01-07-198-04/10

Na osnovu člana 14. stava (1) Statuta Regulatorne komisije za električnu energiju u Federaciji Bosne i Hercegovine („Službene novine Federacije BiH“ broj 13/04) i člana 31. stava (2) i člana 62. Poslovnika o radu Regulatorne komisije za električnu energiju u Federaciji Bosne i Hercegovine („Službene novine Federacije BiH“ broj 59/04), te člana 50. stava (2), člana 59. i člana 73. Pravilnika o javnim raspravama i rješavanju zahtjeva i žalbi Regulatorne komisije za električnu energiju u Federaciji Bosne i Hercegovine („Službene novine Federacije BiH“ broj 37/05), te Odluke o provođenju četvrtog tarifnog postupka broj 01-07-1311-02/09 od 05.11.2009. godine, Odluke o provođenju trećeg tarifnog postupka broj 07-02-1592-07/25/09 i 07-02-1593-07/26/09 od 24.02.2010. godine i Odluke o planu aktivnosti na provođenju postupaka formalnih rasprava tokom trećeg i četvrtog tarifnog postupka broj: 01-07-1311-15/09, 07-02-1592-08/25/09 i 07-02-1593-08/26/09 od 24.02.2010. godine, Regulatorna komisija za električnu energiju u Federaciji Bosne i Hercegovine – FERK je, u nastavku II redovne sjednici održanoj u Mostaru dana 24.02.2010. godine, donijela

O D L U K U

o imenovanju voditelja postupka u trećem i četvrtom tarifnom postupku

Član 1.

- (1) Imenuje se **Slobodan Čorlija**, inženjer za tarife, za voditelja postupka formalne rasprave u trećem tarifnom postupku pokrenutom po Zahtjevu za odobrenje tarifa za djelatnost proizvodnje električne energije broj 07-02-1592/25/09, podnesenom dana 23.12.2009. godine od strane JP „Elektroprivreda HZ HB“ d.d. Mostar.
- (2) Imenuje se **Senad Aganović**, specijalista za distributivnu djelatnost, za voditelja postupka formalne rasprave u trećem tarifnom postupku pokrenutom po Zahtjevu za odobrenje tarifa za djelatnost distribucije električne energije broj 07-02-1593/26/09, podnesenom dana 23.12.2009. godine od strane JP „Elektroprivreda HZ HB“ d.d. Mostar.
- (3) Imenuje se **Jasenska Vuk**, ekonomista za praćenje tarifa, za voditelja postupka formalne rasprave u četvrtom tarifnom postupku pokrenutom na inicijativu FERK-a na temelju Odluke o provođenju četvrtog tarifnog postupka broj 01-07-1311-02/09 od 5.11.2009. godine, a radi utvrđivanja tarifa za djelatnost snabdijevanja električnom energijom I. reda, uključujući i trošak nabavke električne energije za

potrebe nekvalifikovanih (tarifnih) kupaca, za JP „Elektroprivreda HZ HB“ d.d. Mostar.

- (4) Imenuje se **Ivica Drežnjak**, sekretar FERK-a, za voditelja postupka formalne rasprave u trećem i četvrtom tarifnom postupku o prijedlogu tarifnih stavova JP „Elektroprivreda HZ HB“ d.d. Mostar.

Član 2.

Imenovani voditelji postupka imaju sva ovlaštenja i obaveze utvrđene u članu 59. i članu 73. Pravilnika o javnim raspravama i rješavanju zahtjeva i žalbi FERK-a.

Član 3.

- (1) Određuje se zaposlenik FERK-a **Igor Glibić**, ekonomista za praćenje tarifa za pripremanje konačnog pisanog izvještaja sa formalne rasprave u trećem tarifnom postupku pokrenutom po Zahtjevu za odobrenje tarifa za djelatnost proizvodnje električne energije broj 07-02-1592/25/09 od 23.12.2009. godine, a u skladu sa članom 73. Pravilnika o javnim raspravama i rješavanju zahtjeva i žalbi FERK-a.
- (2) Određuje se za **Snježana Nuić**, ekonomista za praćenje tarifa za pripremanje konačnog pisanog izvještaja sa formalne rasprave u trećem tarifnom postupku pokrenutom po Zahtjevu za odobrenje tarifa za djelatnost distribucije električne energije broj 07-02-1593/26/09 od 23.12.2009. godine, a u skladu sa članom 73. Pravilnika o javnim raspravama i rješavanju zahtjeva i žalbi FERK-a.
- (3) Određuje se zaposlenik FERK-a **Ivona Soče**, ekonomista za praćenje tarifa za pripremanje konačnog pisanog izvještaja sa formalne rasprave u četvrtom tarifnom postupku pokrenutom na inicijativu FERK-a, radi utvrđivanja tarifa za djelatnost snabdijevanja električnom energijom I. reda, uključujući i trošak nabavke električne energije za potrebe nekvalifikovanih (tarifnih) kupaca, a u skladu sa članom 73. Pravilnika o javnim raspravama i rješavanju zahtjeva i žalbi FERK-a.
- (4) Određuje se zaposlenik FERK-a **Igor Glibić**, ekonomista za praćenje tarifa za pripremanje konačnog pisanog izvještaja sa formalne rasprave u trećem i četvrtom tarifnom postupku o prijedlogu tarifnih stavova JP „Elektroprivreda HZ HB“ d.d. Mostar, a u skladu sa članom 73. Pravilnika o javnim raspravama i rješavanju zahtjeva i žalbi FERK-a.

Član 4.

Voditelji postupka iz člana 1. i zaposlenici FERK-a iz člana 3. ove odluke će konačne pisane izvještaje i komentare strana u postupku na izvještaje dostaviti FERK-u prema planu aktivnosti o provođenju postupaka formalnih rasprava, vodeći računa o rokovima za donošenje konačnih odluka u trećem i četvrtom tarifnom postupku.

Član 5.

Ova odluka stupa na snagu danom donošenja i objavljuje se na oglasnoj tabli i web stranici FERK-a.

Образложење

Odlukom o provođenju četvrtog tarifnog postupka broj 01-07-1311-02/09 od 05.11.2009. godine pokrenut je na inicijativu FERK-a četvrti tarifni postupak za JP „Elektroprivreda HZ HB“ d.d. Mostar i to radi utvrđivanja potrebnog prihoda za djelatnost snabdijevanja električnom energijom I. reda (nekvalifikovani (tarifni) kupci), a na godišnjem nivou, uključujući i trošak nabavke električne energije za potrebe nekvalifikovanih (tarifnih) kupaca. Navedenom odlukom određen je rok, 07.12.2009. godine, za podnošenje potrebnih dokumenata od JP „Elektroprivreda HZ HB“ d.d. Mostar u četvrtom tarifnom postupku, a na osnovu kojih se utvrđuje tarifa za djelatnost snabdijevanja električnom energijom I. reda, uključujući i trošak nabavke električne energije za nekvalifikovane (tarifne) kupce. Odlukom o provođenju trećeg tarifnog postupka broj 07-02-1592-07/25/09 i 07-02-1593-07/26/09 od 24.02.2010. godine utvrđeno je da je započeo treći tarifni postupak po Zahtjevu za odobrenje tarifa za djelatnost proizvodnje električne energije primljenim pod brojem 07-02-1592/25/09 i po Zahtjevu za odobrenje tarifa za djelatnost distribucije električne energije primljenim pod brojem 07-02-1593/26/09, svi podneseni dana 23.12.2009. godine od strane JP „Elektroprivreda HZ HB“ d.d. Mostar. Odlukom o planu aktivnosti na provođenju postupaka formalnih rasprava tokom trećeg i četvrtog tarifnog postupka broj 01-07-1311-15/09, 07-02-1592-08/25/09 i 07-02-1593-08/26/09 od 24.02.2010. godine određeno je mjesto i vrijeme održavanja formalnih rasprava u trećem tarifnom postupku po Zahtjevu za odobrenje tarifa za djelatnost proizvodnje električne energije i po Zahtjevu za odobrenje tarifa za djelatnost distribucije električne energije, te u četvrtom tarifnom postupku radi utvrđivanja tarifa za djelatnost snabdijevanja električnom energijom I. reda, uključujući i trošak nabavke električne energije za nekvalifikovane (tarifne) kupce, kao i radi odlučivanja o prijedlogu tarifnih stavova JP „Elektroprivreda HZ HB“ d.d. Mostar.

Članom 62. Poslovnika o radu FERK-a propisano je da FERK može delegirati svoja ovlaštenja jednom članu FERK-a ili licu zaposlenom u FERK-u da bude voditelj postupka u bilo kojem postupku FERK-a da bi se osiguralo funkcionisanje FERK-a. Istim članom predviđeno je i pripremanje pisanog izvještaja o utvrđivanju činjenica, činjeničnog stanja i preporuke za razmatranje FERK-u, a može se osigurati i usmeni izvještaj FERK-u na internim sastancima ili sjednicama.

Članom 50. stavom (2) Pravilnika o javnim raspravama i rješavanju zahtjeva i žalbi FERK-a propisano je da FERK imenuje voditelja postupka formalne rasprave koji ima sva ovlaštenja i obaveze utvrđene Poslovníkom o radu FERK-a, ovim pravilnikom i drugim pravilima FERK-a i vodi formalnu raspravu na nepristran način.

Član 59. istog Pravilnika propisuje posebna ovlaštenja i obaveze voditelja postupka, a u skladu sa članom 73. stavom (1) po završetku formalne rasprave, voditelj postupka ili drugi zaposlenik kojeg odredi FERK, priprema konačni pisani izvještaj koji uključuje: utvrđene činjenice, dokaze kojima se potvrđuju te činjenice, zakonske odredbe, troškove postupka, te preporuku rješenja i dostavlja izvještaj FERK-u i stranama u postupku.

Na osnovu navedenog odlučeno je kao u dispozitivu.

PREDSJEDNIK FERK-a
Zdenko Šimunović s.r.